



4. november 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppaa:

Utoqqalinersiat ingerlaannartumik naatsorsorneqartalernissaat pillugu Naalakkersuisunut apeqquq

1. Naalakkersuisut eqqarsaatiginerlugu utoqqalinersiaqalernissamut qinnuteqartarnermut atatillugu malittarisassanik pisariillisaanissaq, innuttaasut 65 –t sinnerlugit ukiullit ingerlaannaq naatsorsuummik tiguisalersillugit takutillugu utoqqalinersiaminnit aningaasat qanoq amerlatigisut tiguisarsinnaassaneraat?

Inatsisartunut ilaasortaq Jens B. Frederiksen, Demokraatit)

Begrundelse

65-nik ukioqaleraanni malittarisassat atuuttut naapertorlugit kommunimit utoqqalinersianik pisartagaqartoqalersinnaavoq. Innuttaasooq utoqqalinersiaqalerumalluni qinnuteqareeraangat kommunip naatsorsortarpaa, innuttaasooq qanoq annertutigisumik utoqqalinersiaqarsinnaanersoq. Utoqqalinersiat annertussusaannut apeqqutaavoq innuttaasup allanik sunik isertitaqarnera, qinnuteqartullu isertitai allat ukiumut 228.000 koruuninik amerlassuseqarpata utoqqalinersiat 0-nik annertussuseqassapput.

Taamaattoqartillugu kommuni iliuuseqaqqinneq ajorpoq taavalu innuttaasup isertitai kingusinnerusukku 228.000 koruuninik ikinnerulissagaluarpata inuk pineqartoq kommunimut qinnuteqaqqittariaqartarpoq.

Demokraatini kissaatigaarput tamanna killormut saatittariaqartoq tassani kommuni ukiut tamaasa innuttaasunut 65-t sinnerlugit ukiulinnut attaveqartalersillugu, nalunaarfigalugit inuit ataasiakkaat ukiumi tulluuttumi qanoq annertutigisumik utoqqalinersiaqalissanersut.

Innuttaasunut ataasiakkaanut tamanna oqilisaataassaaq aamma kommunimi sullissineq eqaannerulissaaq, ingerlaannartumik naatsorsuisoqartalernissaanut siunnersuuterput malinneqartuuppat.

Apeqquqtit akeqquneqarput tiguisineraniit ullut sulliviit naliginnaasut qulit qaangiutsinnagit.